

docstoc.com
入駐商家
在文川網搜索書籍 獲取更多好書

中國方志叢書·華北地方·第六七號

據 清·王彬等修·朱寶慈等纂
清·同治十一年刊本 影印

浙江省

江山縣志



成文出版社有限公司印行



10097788


中國方志叢書·華北地方·第六七號

據清·王彬等修·朱寶慈等纂
清·同治十二年刊本

影印

浙江省

江山縣志



成文出版社有限公司印行



10097789

中國方志叢書·華北地方·第六七號


據

清·王彬等修·朱寶慈等纂
清·同治十一年刊本

影印

浙江省

江山縣志



成文出版社有限公司印行



10097790

docsriver 文川网
入驻商家 古籍书城

在文川网搜索古籍书城 获取更多电子书

中華民國五十九年七月壹一版

江山縣志

全三冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

𧈧

𧈩

𧈪

𧈫

𧈬

𧈭

同治十年三月
歲次癸酉秋
文滌書院開雕

原序

邑有志蓋與國史相表裏云非借以弄毫穎供塵譚已也
其法摹郡乘而採取較詳覈鄉評而權衡必當昭信史也
須江夙隸姑蔑在昔舊志僅有存者矧今距修志之年僕
指復八十期矣邵子以三十年爲一世數以倍之而又羸
三之二其間官政弗悉文物弗章忠孝節烈之行弗載有
識者愾焉歲壬戌際皇上龍飛二年初服嗣德中外臣工
咸對揚休命夏月我岐陽張公適來令江山皇風穆穆吏
治蒸蒸蓋翻然一新矣公甫下車卽眎地輿濬泉脉鐸庠
序哺孤惇清獄緩征釐奸剔蠹旬月百廢俱興旣乃留心

邑乘而徧覓無存問曹胥以鉞梓所自藏則曰已滅矣已失矣張公蹙然謂當吾世而散軼若是日復一日後之人縱欲藉手勸懲而誰爲高山誰爲前車耶時卽爲余道及此越秋郡伯負蒼林公釐新郡志移檄五邑令各修實錄張公欣然曰此吾志也欲屬余董其役是時余尙廬次山中公遲之仲冬余抵家復遣人來葵辭以不文且以同事者爲請余復自枉顧諭之曰爾鄉髦哲或養高泉石或奮志書帷惟吾子讀禮甫畢王事未躬強爲我輯之余不獲辭則對諸廣文諸佐幕曰是役也紀人紀事有張父母之筆削在若潤色鋪張冒昧任之因覓舊志而簡編殘斷不

可讀浹旬弗獲全書迺姑就蠹簡中冗者刪之缺者補之
續以八十載遺事副以庠儁者碩之力其規制體裁一惟
張公所命焉月餘而橐成先輿地紀勝概也次建置定經
制也又次籍賦而後秩祀則富教之旨也又次職官而後
人物則名實之稽也次雜志以廣肆見聞次藝文以鼓吹
休明綱釐爲八而敍列其下一邑之志備矣上其橐張公
曰是可爲信史矣亟付之梓噫公之才識洵有大過人者
哉夫世之傳郵其官者無論已閒或留意纂修又姑待其
暇待其暇而轉盼遷秩卒付之後人志之修也等河之清
矣公蒞政甫月餘輒毅然爲已任且念時詘舉羸捐俸以

襄厥事非長材卓識能當此而滿志乎余幸躬其盛僭筆
之一以志冲聖嗣服之初一以志張公先務之急使後之
令是邑者知此時聖主賢臣相得益彰云爾

明天啟歲次癸亥刑部郎邑人徐日葵撰

原序

武陵汪公蒞治之明年嘗以邑志之蕪穢爲慮將有事於纂修者余未有以應也又明年而公謀諸邑紳士則交口丐公釐定之遂以舊志之僅存者畀余以卒業余一再辭謝不獲命因進而言曰公亦聞夫曾子之食魚乎公乃蹶然而笑曰夫何謂曰曾子之食魚也有餘藩門弟子請曰泔之乎抑與之也曾子曰泔之曰泔之不若與之之善也曾子喟然而歎曰其以我爲有異心乎夫斯邑故有志矣羣言噂沓折衷無由如必改弦而更張之將何途之從以報命公曰

子姑與門弟子圖之亦問其孰爲泚而孰爲奧也夫何患未幾而柴子自挺毛子一清周子允協輩踵贊校而言曰敝邑之有志也摭拾於兵燹之餘而煽惑於愛憎之口狗名失實非諛則誣今夫子之爲是役也將舍舊而圖新乎抑姑取已陳之芻狗而丹黃篋衍之也曰而不聞揚子之言乎通天地人者謂之儒通天地而不通人者謂之技斯邑故有志矣星野之勿辨失諸天沿革之未詳失諸地典章事物之龐雜而無稽也失諸人使余左執璇璣右操禹步以求兩儀之吻合則未能若夫徵文考獻以蘄當於筆削之

旨甯二三子耳目之所覩聞者不余畀而恡諸於是
諸子唯唯而退越旬日各以其旁羅於掌故者進核
以羣書參以輿論則鱗次而鬻數之以佐烹鮮之具
至於因革損益之宜起敝扶衰之效公固得諸心而
應諸手矣余亦何所庸其喋喋爲柴子年逾八十於
此邦爲祭酒而毛子卽黃大中丞所旌衢善士也周
子壯而敏其搜訪爲尤力云

康熙五十二年癸巳江山縣學訓導山陰宋俊撰

文上集示

卷之二

一

原序

江志之成也將付梓邑侯張父母以示不佞曰偉哉一邑之觀也不佞閱之不覺怡然暢旣俯而嘻卒穆然若有思也張侯曰何爲其然也熙曰夫志非集舊聞已也彰往以勵來有重焉者矣天地山川兵農賦役風土食貨之志勿可遺也而非所重也夫地之重以人邑有人焉雖小重也無人雖大輕也故志之於人也漏一則失重濫一則貶重疑一則損重其可弗慎也哉大抵文事烟雲而旂常鐘鼎則以實傲之不逮節烈千秋也理學出而又土苴矣此大畧也而有閨貞焉有隱淪焉有技術之精焉有仙釋之修

焉得其人皆邑光也徵其實悉邦獻也而茲憑大力定之
大識裁之而又故老稽之輿情協之典制規之一息千古
之懷其勿暢矣乎顧余從計偕自南抵北低徊齊魯之鄉
憑軾閒覽而口不暇舉目不暇接登泰岱之宗望溟渤之
墟而以須水江郎傲睨其間其與之爭勝乎其不與之爭
勝乎嘻末矣雖然纍珠萬斛未若一夜光之珍言貴精也
無瑕出而似玉者遠跡矣言貴真也世多名勝而壁石柱
天清流橫帶未有須水江郎之奇者夫其蓄產人文亦若
是已唐宋以前若存若亡或羽翼孔孟或扶植倫常或著
績於廊廟或砥行於閭閻邈乎尙矣至若近代名賢輩出

docsriver 文川网
入驻商家 古籍书城

在文川网搜索古籍书城 获取更多电子书

專軸分藩後先相望然皆能以誠立以正持以古人自許
若卑論儕俗俛仰取給則耻之因是以思吾邑風概有不
產產則其品也夫天地之生患其無品豈天地之大患其
無產哉美種之地且需蓄發耳今幸際明侯振鐸之始百
虔維貞而我侯之志又不在與古之循良爭理而在與一
代之斯文爭統以此培之甯有旣耶卽是役之興以激以
揚目前浮幻死後芳馨田夫野叟辨之矣而謂甘以枯骨
與草木同腐哉則顯修其所未修隱志其所未志雖以江
郎當泰岱須水當溟渤奚讓焉是殆不能已於無涯之思
也張侯曰然夫志百世之業也惟子之言亦百世之規也

願與諸君共勗之

明天啟歲次癸亥邑人鄭世熙撰

重脩江山縣志序

辛未秋余捧檄來攝邑篆下車
伊始欲知邑之山川人物訪求志
乘數日僅得一帙詢其板則剝蝕
殆盡十無一存余怒予憂之搢紳
先生告余曰劉知幾不云乎以立
科條審定區域倘人思自勉則書
可立成序志籍多星散佚盍籌議

興脩余曰唯其時學博朱君實意
陶君漢素鐸須江相與聯名陳諸
列憲概蒙報可爰以孝廉朱望輩
甲人分司纂輯無何朱學博期屆
瓜代余具牒留之俾綜其成因念江
邑居浙南圍崇山峻嶺綿錯紫繞
仙霞高峰插天岡壘起伏險要甲
於東南水則鹿溪文溪均發源

於江郎諸山紆回曲折匯入大江物
產有常民俗勤儉且多砥節勵
行之士殆由天地清泚之氣有以
鍾之當咸豐戊午己未間猝燧迭
見邑人持梃敵愾死難者二千有
奇惟頻遭鋒鏑義憤益堅即婦
人女子亦能以禮義廉恥自持遇賊
而不辱於賊蹈死如歸其節烈

誠足以扶綱常翼名教如是而不為
之補遺訂墜發潛德之幽光非守土
者之過其誰過耶夫乾隆時遠年
事輯百年不為不久矣自輿地以迄
拾遺別為十二門不為不繁矣今則
綱舉目張燦然星列後之採風者
取是書鱗次而纂數之於因革
損益之宜救弊扶偏之效洞徹

靡遺且使前賢往哲代遠年湮
展矣如或遇之良由在事諸君子苟
稽博攷不憚勤勞故時閱年餘即
觀其裒然成帙方今

聖天子道隆繼述

德威遠播銷鋒偃革禮教振興方略
館全書甫經告成近復有修輯

畿輔通志之舉中丞楊公勤求治理

亦以各邑志書有闕政事文表檄令所
 屬採訪增修行見典章日盛區區江山
 一志原不足以揚景烈播休風第披羅
 遺佚採輯舊聞他日輜軒入境考
 獻徵文或得編入史宬之中以垂不
 朽則誠不但一邑之光云爾也

同治十二年歲次癸酉知江山縣事

榕城王彬撰



原序

江山越之東南偏也其野揚州其星婺宿其山錦文其泉
須女其交閩楚其隸太末粵自漢朱會稽唐白傅品題遂
重浙上游而先正徐逸平徐正節周鴻臚毛端簡趙中丞
徐方伯諸公軒然與山川相盪麗至今猶得景其芳躅而
弔其軼事迺輿圖之縈紆道里之疆域戶版之登耗土俗
之腴瘠馴梗總總泱泱厯可羅縷則厥志以耳唐宋置邑
迨我朝紀乘固缺焉正德庚辰志昉於前令吳亞父嘉靖
甲辰黃令北山綸續修之蓋披籍而臚分軫畫若列眉也
逾今庚六甲春秋矣山川猶昨風景滋赫雉堞甫迄乎崇

墉區署更易乎蕘構石梁筆堤於西南舟梁載建於東北
倉社碁置於閭垌塔閣鼎峙於原麓令丞薄尉行居連轂
掌故博士前後司鐸譽髦通籍甲昌乙嗣象魏沿革曷仍
今盤叢如絲夢煩如蝟集卽舊志攸存增飾補次擷采已
多矣揚子之言曰當身之事或聞或見萬不識一目前之
事或存或廢千不識一夫是尙不能無漏佚而矧其舊筌
湮如也先君子承事於江首稽之公帑旣詢之學士薦紳
鄉三老竟無能覩其殺青斷簡數年迺得全帙於民間而
漫漶甚矣先君子用是思恐江志遂飽蠹魚至後泯滅無
徵也卽圖載筆登之鈔版顧邑當越閩孔道什八錢穀什

三期會什六簿書靡監鞅掌不遑校覈而邦乏典型不任
視草又適與旱澇會羨金發賑公緝如浣且領賑事單車
出入村落間方急百姓之卹旋有遷命遂不果纂梓公餘
命德璟與伯兄德瓚繕書成帙疑信參存藏之長府然初
心則闕甚也是歲之春毛友元敬辱以通家誼不遠千里
趨弔先君子因言令君張岐陽政事之美茲方纂縣牒以
付梓人德璟卽在苦塊中不勝躍躍夫珩璜之璞浮筠可
達赤水之珠謨詬不得先君子僅有是心乃荆野未理之
璞不致爲罔象莫探之求者則張令君之力也先君子藉
手以垂不朽者多矣敬裁數語以附於編端

明天啟歲次癸亥晉江蔣德璟撰

docsriver 文川网
入驻商家 古籍书城

在文川网搜索古籍书城 获取更多电子书

原序

江山故名邑也其山川原隰之峻且駛人文財賦之都且繁遑遑爲諸君子所過化徽懿景鑠齒有餘芬壬戌夏不佞承乏於斯實滋廩廩思抑曰已事之不忘後事之師也亟求邑乘鑒鏡之迄徧詢故老不可得夫江山也乃邑乘獨寥寥缺典哉竊聞之國有史郡邑有志兩者蓋並重云矧歲月更於上人事變於下祥和氛祲不能齊沿革損益不能一俗尙醕駁不共調豐耗奢儉不共習則山原異壤閭巷異制輿地胡可以弗志戶口繁夥滄海桑田貢賦胡可以弗志解宇肇興巒宮巍煥庾廩防禦之兼設建置胡

可以弗志甲第雲蒸蜚英騰茂簪紳奮蹟閎閱承恩選舉
胡可以弗志忠孝炳日星節義劓冰雪操觚染翰者擅風
雲月露之奇博覽洽聞者盡恢詡奇異之變行誼文章胡
可以弗志至鍼砭勸誡勒先謨憲來禩如某也繁棠署之
陰某也添芹藻之色而使當事者有餘思某也樹誠正之
標某也端修齊之範而使居鄉者競向往不則舍家尸而
戶祝則其人與名俱泯泯無傳矣不則暗品題而寒月旦
則其人與骨同草木而朽矣官師人物又胡可以弗志志
之所繫寗不與國史並重哉胡爲宜志而久不志也將吏
茲土者風塵馬足奔走之不遑使節簿書酬對之不及耶